

*Aux Ministres de la**Quatriesme Point.*

IL y a encores vne autre chose, qui me donne scrupule. C'est à scauoir, quelle occasion vous auez de nous appeller Idolatres: Car par la mesme raison vous pourrez appeller Idolatres, tous ceux qui ont esté en l'Eglise de Iesus Christ de puis sa resurrection. Quelques vns qui regardent vn peu de plus pres, se doubtent que vous n'ayez quelque intelligence avec les Iuifs, et que vous ne soyez à leurs gages, pour tenir leur parti. Quand à moy, ie n'en croy rien: mais de cecy suis-ie asseuré, que vous nous appelez idolatres, pour les raisons mesmes que les Iuifs nous y appellent. Et à vous dire la verite, ie suis quelque-fois en doute, que le pere de mensonge, qui tient les Iuifz en leur incredulité, ne vous y tienne pareillement. Pourquoy est ce que les Iuifs nous appellent Idolatres? est-ce pas pour ce que nous adorons la Sainte Hostie? Car ils dient, que nous adorons du pain. Or que les Iuifs, qui ne croient pas en Iesus Christ, ayent ceste opinion de nous, ce n'est pas de merueille: mais que vous, qui auez esté regenez au saint fons du Baptesme, et faictes profession de croire à la parolle de Iesus Christ, nyez qu'on doie adorer son precieux corps, à raison de la Diuinité, qui est en vn mesme suppost: cela est si estrange, que plus ne pourroit. Car en ce faisant, vous venez à dire, que Iesus Christ n'est pas Dieu. Et par ainsi vous tombez en l'execrable erreur de Paulus Samosatenus. Ou si vous niez que ce soit son corps, comme vous faites, vous desmentez toute l'Eglise, qui a tousiours eu ceste foy. Que dy-ie l'Eglise? voire Iesus Christ mesmes, qui à dit expressement, que c'est son corps. Regardez lequel vous aimerez le mieulx. Les Iuifs pareillement nous appellent Idolatres, pource que nous adorons la Croix, disans que nous adorons vne creature insensible, comme vous dictes pareillement. Mais ils nous calomnient, car nous n'adorons pas la Croix comme creature, mais en tant qu'en la voyant, nous adressons nostre pensée à celuy qui ha souffert mort et passion pour noz pechez, lequel estant vray Dieu et vray homme, à bon droict nous le deuons adorer. Or quant aux Iuifs qui ne croient pas

II 23.

II 24.

II 27.

II 27.

II 35.

II 37.

*Iac. 5.*B iiii^v

*Les catho-
liques n'ado-
rent pas la
Croix com-
me crea-
ture.*